

欽定四庫全書

子部

普濟方卷三百八十八



詳校官太醫院恩糧臣朱天錫

編修臣倉聖脈覆勘

水疝之類

普濟方卷二百八十八

嬰孩大小便淋

淋秘

周王朱橚撰

大淋者有熱淋血淋石淋氣淋寒淋五者大同小異熱

淋者有熱氣傳膀胱飛仙論云熱氣傳於膀胱與腎為熱淋也血淋者久熱

精聚結澀脬中巢氏云熱甚脬中多成血淋石淋者腎執水結化

為砂石孫氏云腎熱水結化為砂石巢氏云腎為熱所乘則石淋也其狀如莖中痛甚者令人悶絕是

普濟方

也氣淋者膀胱受熱小腸脹滿巢氏云腎虛膀胱受肺

肺主氣氣為熱所乘故流入膀胱氣壅不散寒淋者取

腹中氣滿水道不通故小便結滯而成氣淋

冷過度顫後尿巢氏云取冷過度下焦受之冷氣入脬

者津液之腑既受冷氣脬中衰弱不能禁約皆由冷熱

於水故遺尿成寒淋其狀先寒顫後尿是也

之氣客入腎與膀胱流滲脬中之所致也小腸乃心之

腑也水竇流行隨其氣而利之心氣若壅小便不通心

氣若冷小便多洒音斟謂洒析也心氣若寒小便多旋心氣若

熱小便艱澁心氣積熱小便白赤先赤而復白者是也所言閉小

便者醫謂下結腹肚脹緊膨滿不通氣結熱盛用力努

旋點滴而出乃是閉不通利于心疼痛精神昏憤速用

生大地龍數條蜜少許研傅莖卵仍燒蠶蛻紙灰留性

硃砂腦子麝香同研煎麥門冬燈心湯調下與服一時

見效湯氏歌云五般淋瀝病相傳一一須分病本源或見叫啼傷水積忽然食入脾間次更因循傳入

臟致令淋病小便乾但看微紅筋上有熱入相和汗又連肚上青筋至腹足砂石淋秘痛難安唇上乾燥如皮

退此是皮風淋惡泉外腎不腫氣不急下陰纔諸淋皆腫氣相連先與寬隔疎導氣定知醫藥可安痊

腎虛而膀胱生熱也水火不交心腎氣鬱遂使陰陽乖

舛清濁相干蓄在下焦故膀胱裏急膏血砂石從水道
出焉故有欲出不出淋瀝不斷之狀甚者窒塞其間或
令人悶絕大凡小腸有氣則小便脹有血則小便澁有
熱則小便痛痛者為血淋不痛者為尿血敗精結者為
砂敗精散者為膏金石結者為石揣本尋源各從其類
治法並用流行滯氣疎解小便清利邪熱調平心火蓋
心清則小便自利心平則血不妄行切不可姑息用補
氣得補而愈脹血得補而愈澁熱得補而愈盛水道不

行加之穀道悶遏關格不通未見其能生者也又有腎
氣虛弱囊中受寒夾冷而小便淋澁者其証先寒戰而
復溲便蓋冷氣與正氣交爭冷氣盛則寒戰而成淋正
氣盛則寒戰解方得便尿也 小兒諸淋者由腎虛而
膀胱熱故也膀胱與腎為表裏俱主水入小腸下於胞
行於陰為小便也腎氣通於陰津液下流之道也若乳
食不節悲啼無恒虛實不調則腑臟不和致腎虛而膀
胱熱也膀胱津液之腑熱則津液內溢水道不通水不

上不下停積於胞腎虛則小便數膀胱熱則水下少數
而且澁致淋瀝不宣故謂之淋又有熱淋血淋氣淋石
淋寒淋三焦壅盛移熱於膀胱則溲便赤者為熱淋熱
甚而搏於血脉流入胞中溺血者為血淋小腹滿溺澇
有餘瀝者為氣淋溺出砂石者為石淋寒淋之病本於
寒客下焦皆本於膀胱有熱令少腹急痛水道不利故
數起而不能出也

方

五淋散 治五淋

赤茯苓 赤芍藥 山梔子 生甘草 當歸

黃芩 車前子 淡竹葉 燈心 木通 滑石

葵子 葶藶

炒各等分

右為末燈心葱白煎或入生車前草搗水調五淋散服或調硝石末服血淋白茅根燈心煎氣淋小腸脹滿尿後有餘瀝木通煎服熱淋便赤而淋瀝臍下痛新水調下或黃芩湯下石淋莖內痛尿澁有砂石令

人悶絕硝石隔紙炒焦研末用葵子煎湯下

石葦散 治諸淋瀝水道中痛臍下妨悶

石葦一兩 葵子兩 木通 赤茯苓各半 車前子

瞿麥 榆白皮 滑石 甘草各一分

右為細末每服一錢水一盞葱白五寸煎至七分去

滓溫服如人行十里再服大小加減一方無甘草

立效飲 治小兒諸淋不通莖中疼痛

木通 甘草 王不留行 萋胡 滑石 海

金沙 山梔子 檳榔 各等分

右咬咀三歲一錢水半盞煎三分去滓溫服

葵子散 治諸淋兼小便不通

葵子 車前子 木通 瞿麥 桑白皮炒 赤茯苓

苓 山梔子仁 甘草 炙各等分

右剉散每服一錢井水一小盞葱白二寸煎食前服

桑白皮湯 治小兒淋或澁痛小便如血色

桑根白皮焙 山梔子仁 蘆根 茅根 赤茯苓

去黑皮 冬葵子 甘草灸各一分 滑石研半兩

右粗搗篩五六歲每服一錢水一小盞煎至五分去

滓食前日二服量兒大小加減

瞿麥丸 治小兒淋及治遺尿

瞿麥穗 龍膽 石葦去毛 桂去粗皮 皂莢灸去皮子各半兩

雞腸草 人參各一兩 車前子一分

右搗羅為末煉蜜丸如梧桐子大每服六丸至十九

空心熱湯研下更量兒加減

桃仁湯 治小兒氣淋水道不通餘瀝疼痛

茴香 紫蘇 檳榔各一兩 木通 當歸 人參

巴戟去心 赤茯苓各三錢 桃仁炒去皮

右咬咀三歲一錢水半盞煎三分去滓食前服

牽牛子丸 治小兒諸淋澀臍下連兩傍妨悶并及大

腸氣壅

牽牛子微炒 川大黃微炒 川升麻 郁李仁湯浸去皮微炒研入

川朴硝已上各半兩 滑石一兩細研 海蛤一兩細研

右搗羅為末煉蜜和丸如菉豆大每服以溫水研下

七九日三四服量兒大小加減

順經散 治十餘歲因驚之後心氣下行小便淋瀝日

夕三四十次漸覺黃瘦宜服

韭子炒 琥珀另研 益智去殼 金毛狗脊去毛 白茯苓去皮 石

燕子火煨醋淬研細各半兩 石葦去毛一錢

右為末每服一錢韭湯調下日二服

石燕丸 治小兒諸淋肚腹妨悶心神煩熱

石燕子 研 瞿麥穗 梔子仁 滑石 研 木通 葵

子 海蛤 研各半兩

右搗研為末煉蜜九如菜豆大每服七九葱白湯下
日三服量兒大小加減

石葦湯 治小兒淋或澁痛小便如血

石葦 去毛 赤芍藥 大黃 炒 滑石 研 甘草 炙 麥門冬

去心 升麻 各一分

右粗搗篩每服一錢水一小盞煎至五分去滓食前

日三服量兒大小加減一方有川朴硝無滑石

木通湯 治小兒諸淋及熱結赤澀不通

木通 桑根白皮焙 滑石研 芒硝 葵子陳者各三分

右粗搗篩每服一錢水一小盞煎至五分去滓溫服

日三服量兒大小加減一方葱白湯下半錢

石燕丹 治小兒淋澀痛悶

石燕醋淬燒赤 瞿麥 滑石各半 木通 海蛤研

兩半

右為細末煉蜜和丸如黍米大每服十粒以葱白湯下食前大小加減

金沙散 治小兒小便淋瀝不通

鬱金 海金沙 滑石 甘草 各等分

右為末三歲一錢煎落帚湯調下燈心木通湯亦得
冬瓜最治小便不通淋瀝并渴

木通散 一名葵石散 治熱淋小便不通啼叫小腹痛悶亂者

木通 錢二 滑石 錢一 牽牛子 一錢 葵子 一錢